

**Zeitschrift:** Il glogn : calender dil pievel : annalas per historia, litteratura e cultura romontscha  
**Band:** 25 (1951)  
**Artikel:** [Poesias]  
**Autor:** Cadruvi, Donat / Candinas, T.  
**DOI:** <https://doi.org/10.5169/seals-881380>

### **Nutzungsbedingungen**

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

### **Conditions d'utilisation**

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

### **Terms of use**

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

**Download PDF:** 02.01.2025

**ETH-Bibliothek Zürich, E-Periodica, <https://www.e-periodica.ch>**

# Pur, Ti eis semnader!

*Atras tiu èr tumpriv selìgian  
Sco soras travs e travs,  
Buc ina rumpa ni sesligia;  
Gl'ei sco serraui cun clavs.*

*Ton fa nies Bab per tei amogna,  
Per tgi che vul semnar,  
Per tgi ch'enquera fretg e bogna  
Siu èr per raccoltar.*

*Sche fier' entiras las pugnadas  
El tratsch de Tiu Signur,  
E cu las jamnas ein vargadas,  
Lu datti fretg pil pur.*

Donat Cadruvi

Friburg, Anceinza 1950.

## *Muliner*

L'aua croda  
sin la roda  
e sgarguglia  
sur carpuglia.

Muliner stat sin il pass,  
Mira suenter — di da bass:  
«Vas e tuornas prest puspei  
anavos in di tier mei!»

L'aua croda  
sin la roda  
e camina . . .  
tuorn'adina!

## *Atun*

In brausel vent va tras la feglia  
E scaffarlescha in misteri.

La praula ei sco'l mund schi veglia,  
sco freida fossa en santeri:

Sfegliam de sec, de criu  
prest ei tut verd svaniu . . . !

## *Sin scala*

Nus mein da scala si  
risdond da quei e tschei.

Cheu statta ti  
gest speras mei!

Fitaus ei il raschieni,  
en mei sezugl'in siemi:

Nus mein in legher di  
persuls da scala si!

T. Candinas